

Махач-калан 100 джилнь

МАХАЧ-КАЛА. Майин 22. (ТАСС). Урднь Петр Первин лагерь нерәдлгьтә бәәси газрин ормд, Көк тенъгсин эргдеер тосхгдси Петровское гидг шивәг Петровск-порт балгъснд хүврәснәс нааран эн джил 100 джилнь болхмн. Эн өбниг темдгдждәх гәәхүл Дагестана краеведческ музейд секгдв. Советск йосна джилмүдт балгъсна өслтиг зург-документс келдж өгнә. Дагестанд Советск йосна төлә ноолдвр келгъиг гарддж йовси революционер Махач Дахадаевин нер 1921 джил Петровск-портд өгсми. Балгъси Махач-Кала гидж нерәдгддг болв.

Дагестанск АССР-н хотл балгъси Махач-Кала—республикиннь промышленн центр, Махач-Калан тенъгсин порт Северн-Кавказд ик күчтә дамдждж эд-тавр гарлгъна баз болв. Туўнә портд джилин туршар тенъгсин кермс ачлгъ ачцхана, ачлгъ буулгъцхана.

Кесг ик предприятие балгъснд бәәнә. Махач-Калан загъсна консерви комбинатд кегддж гардг олт зүси загъсна,

консервс ори-нутгин цуг захмудар ачдж йовулгдна. Суво-механическ заводт кермсин паровой машис кегддж белдгднә.

СССР-н науки Академин Дагестанск филиал, марксизм-ленинизм институтин филиал селәнә эдл-ахун научн-иссодовательск институт бәәнә. Икнъкнъ бәәри газрикелн-әмтнәс бәәх 200 шаху доктр болн науки кандидат научн учрежденьст кәдлцхәнә.

Дагестанцирт наукур делгүдән хаалгънь секәтә. Дагестана келн-әмтсәс дөрви ВУЗ-д болн олт техникумст кесг минъгън кәвүд-күүкд сургъуль дасджана.

Сүл джилмүдт балгъсна бәәдл-зүси танъгдшгогъар хүврв. Маштг шавр гермүдин ормд гурви-дөрви давхр олт пәтьртә гермүд тосхгдв. Зу шаху шин тосхлт балгъснд ода кегддженә. Областной партшколин сургъулин корпус нефтяникүдин клуб, селәнә эдл-ахун институтин общежить тосхгдджана, правительствин гер, кесг олт әмтн орх гермүдин тосхлт эклчкв.